

蘄州志卷之二十九

知蘄州事嶺西封蔚初纂修

藝文志

詩

國朝

古今體詩二百四十三首

五言古

二十八首

詠高士吳瑛

顧景星

伯仁起齋郎簽書黃州守入為虞部員挂冠方黑首臨流獨長嘯種竹還漉酒歡笑迎嘉賓絕口不減否青氈

蘄州志

卷二十九

詩

一

就盜乞力田門生耦不顧尙書期鵬冠狎鄰叟世遠言亦湮著述曾不有高躅畱史篇芳名僅身後

白茅堂集

詠高士林敏功敏修

顧景星

松坡節氣士少小負學術一舉偶見遺塞門卽弗出經通郭子橫名比皇甫謐隱處非盜聲率性不就辟子來實愛弟豹席共牀筆湮沒無思篇零落蒙山集立言期不朽傳後豈難必所望賢達人名山拾遺佚

酬蕭霽

顧景星

之子志我同端居媚幽獨樂從大賢遊久謝時人目微

雨山中來竹梢低入屋鳴蹇寂不聞閉向東齋讀濁酒
時復斟高筒頻折牘一日凡幾回蛩音滿空谷

棲來店

有序

顧景星

石城徐公子星昔在山左招徠麇集漸成市廛士人德
之呼徐公店茲守楚駐蘄於四郭隙地各建舍十間名
曰棲來行旅乃得休止詩以紀之

伏莽旣以平大江亦以清舊時荆榛地更有行人行山
川故覲突寇攘仍縱橫落日怖商賈淒風悲遠征懸襖
市門閉城上哀笳鳴一擔立四顧但有鴉烏聲官櫺久

蘄州志

卷二十九

詩

二

不設負戴何惇惇一物不得所憫惻仁者情緒哀寄牛
屋土龍眠古塋安知歧路泣不有狂阮生公昔駐山左
二載德教明荒涂聚市肆廬宿無流氓氓楚俗最蕪陋茅
竹支椽桁虎狼一斷道伐屋登空城杜陵思廣厦虛願
終何成如君事實政永宜良牧程

答康伯問字說

顧景星

斯文羲軒後微義竟誰紹智哲識其情遺象存理要流
傳有淫體臆說恣攻剽瑣碎雖百家無能救沈瀝鼎彝
各異狀鼓冢亦難校沿襲誤後學徒然痛先覺六書非

細事宜洩抉道妙囊括二儀間津梁五經奧我勞夫如
何十載心力耗變通固無方苦辯非執拘學官會有時
覆瓿君豈料庶幾桓譚知不惜劉歆笑兒童干祿樣腐
塾兔園鈔規矩表高曾笞幡轉相告老眼困昏花研精
矢期耄莫怪和者稀陽春本孤調

鈞鋤潭

今名洗馬潭

顧景星

長河自西北曲注仍東馳發源司空山萬壑爭奔嘶兩
崖忽開展水行得歸依到此若無力十里平風漪深沈
百尺潭色勝青玻璃巨魚不受網窟穴安能知甘霖應

蘄州志

卷二十九

詩

三

祈禱雲氣初如絲委蛇金龍子色變十二時土人爲余
說漢祖行軍奇出征九江王洗馬曾於斯神龍遂來合
遺種畱今茲訛傳信鄙謬此實藏蛟虺洪流轉木石澹
沱無改移深潛不害物意若全幽姿雲中望天柱泚水
尤透隨圖經莫能悉靈境興追思

山僧說靈虬茶

顧景星

四野寂無人明月照高樹僧來責茶約且向蕭齋住長
瓶貯春雨燿盞傳陸羽身上木蘭衣猶帶山中霧靈芽
清士福盤曲來鳥路千歲寶掌翁門徒始焙作鳳棲山

下水久付鼃鷺汚煩師一卓錫漢涌須復故虎跑特地
興龍井伽藍護神異倘再開還能覲仙遇

上巳步湖村

李炳然

久不到南湖彎環僻若此豔豔花匝樹碌碌石淬齒透
迤凡幾曲屋隱茅茨裏莫是武陵人依舊桃花水石林
高復下坐客箕或倚稚耄少扳援貴賤一我爾問我來
何所大笑稱上巳雞犬與爲鄰邱壑趣猶美得魚卽易
酒臨淵盍洗耳直待菡萏香還來劈蓮子

江麓堂集

秋日石璠生爲璘攜饌遨遊如是菴 李炳然

蘄州志

卷二十九

詩

四

西灝崢嶸光今日固如是明日復何如恐虛林壑美生
涯看黃葉損益隨秋水靜款幽人扉高凭北郭几嵐氣
奔不歇湖心澹若此天牕躡殷雷蓮心散堦屺掃開花
竹影妙發醜醜理香稻飯青菰筐蔬點蒼耳奧義衍三
車清詞辯四始交臂採芙蓉何必貝多子

從家人訊知里中故居近狀

盧 紘

故里臨江滸人當寇殘餘休息十年來疾苦尙未舒非
無仁明長蠹痼堅莫除水則勞舟楫陸尤困稅糈奔走
服徒役終歲少安廬官錢不可問兼斂奉狼胥形枯骨

僅存索盡囊無儲欲脫此鄉去茫茫何所如呼籲不得
聞蟠固難間疎吁嗟此子遺仰首空躊躇余久宦遠方
聞之生長噓不顧所忌諱憤貽長官書幸邀聽轉環夙
獎一朝祛役仍出官僱夫額復其初從此獲寧止咸遂
樂土居遠聞忽興躍願頌循良譽傲瑟寧盡張改絃姑
與徐屈指二三年生聚盈郊墟余亦當倦遊欣然返昔

廬

四照堂集按廬韻復疑作故墟

蘄州廬氏殉難始末

周茂源 雲間人

伊昔蘄黃間寇禍最慘烈官兵爲先驅貪冒同饕餮賊

蘄州志

卷三九

詩

五

從上游來萬竈化魚鼈盧公偉丈夫嬰城誓死節賊衆
如蟻附交衢徧流血骨肉相因依一朝半屠滅公當瀕
死餘拒賊氣勇決登陴勗健兒曠目背爲裂巖關倏焉
摧鏃矢亦告竭逢掖長賤貧與城共存沒長公間道歸
遺骸裹衰絰負土瘞舊阡殉難叙始末或死或竄亡歷
數多嗚咽烈婦楊與袁大義明霜雪楊爲紱也妻紱去
成永別自投燎火中珠胎並燔熱袁也歸震初堅貞儼
積鐵從容拜姑嫜溺井求蠲潔漆簡與丹旌采風宜首
列夫何金鏡淪幽光殊未徹純孝揚合名孤忠欽曩哲

况乃黃鵠操挺然不可折庶幾楚倚相紀美無遺缺援
筆愧如椽奚庸表碑碣

頌楊袁兩孺人節烈

張錫懌

雲間人

蹈火既不易赴井良獨難先後何從容雙烈稱二難至
今趙州側火燼血猶丹化爲祝融峰攜母俯千盤貞魂
干氣象白虹貫井幹化爲三峽水抱子激危湍慘死未
及旌慨焉摧心肝國史幸有紀能令白日寒

策山行

張士淑

危巒矗空起壁古長箐篠里中數土姓相依共昏曉家

蘄州志

卷二十九

詩

六

舍平林西雲樹可數眺豈不懷田廬四野飛旌旒鄰伴
約夜歸路黑山月小谷靜發空響膽怯驚鳴鷺到家夜
過半月落荒村宿生業各蕩廢頽垣翳蘿蔦破屋疎星
入照我天漢表時聞虎豹嗥更見蛛蝸繞雖是舊所居
不敢久停遶嘆息出門去覓徑登林杪安得天下盜賊
盡歸農令我笑數青峰臥亭沼

雲溪雜著

雨中訪顧赤方

二首選一

張仁熙

長川人

日夕大江流江聲莽回互蘄陽萬古心旅客愁無數高
士亦城居茆屋幽難遇著書二十年草長門前路相見

亦何深抵掌生煙霧論詩數百篇一一兼秋雨豈惜酒
杯長展轉彌清素

藕灣集

過蘄春懷顧黃公

陳大章

黃岡人

徵君瀟灑姿搖筆富文藻弱冠充王賓時論推國寶激
昂世務書匍匐兩京道志大徒次且時危久枯槁高揖
辭風塵閉戶狎魚鳥經傳毛鄭宗學比崔蔡老一尺白
茅堂樸質謝雕巧晚就蒲輪徵束縛難爲好王式本不
來臺佟節彌皎依然奪牛翁歸作采芝皓六書大義微
研精肆幽討上窮皇頡初下逮篆隸橐箴縷辨形聲錯

蘄州志

卷二十九

詩

七

綜出要眇善誘物之師博洽時所少伊昔奉微言今來
悲宿草歲月忽已遙風流竟誰紹技淚下寒江白雲空

浩浩

玉照亭詩鈔

寄欽人田

士佃

萬

燦

季方黃岡

冽彼清谿水素鱗託蘋藻風日豈不殊縈情惟夙好河
鼓已宵移織機傷顏老天漢望容舠所恨秋霜早攜手
上河梁金玉傾懷抱兩翼忽驚飛抗志凌雲表興酣搖
五岳榮名以爲寶隻影誰與同止水空潦倒落葉滿階
庭寒蟬泣秋昊新芳及殘芷臭味分苑槁楚山接燕雲

行行寄長道衣帶日以遠珍重思紆縞

嘯月軒

陳鼎元 潯溪州人

昏鴉棲已定幽人忘夜永仰見千尋竹搖動疎星影少
焉東山上金盤光如炯頓令塵土中燦若玻璃鏡緬懷
步兵狂思與蘇門等雖非鸞鳳音或不類鼃黽割然草
木震直上此君頂空翠靄林間悠然快獨領 半畝園集

半畝園卽景

陳鼎元

四時各有序草木測其端季秋與冬孟辨在微茫間赤
日照高樹霜風薄朱顏昏且變節候凄然難久安坐我

蘄州志

卷二十九

詩

八

草堂中綠橘已可攀雙柑下斗酒耳熱有餘歡裊裊芙
蓉露秀色真可餐採菊籬邊去悠然亦見山蒹葭正蒼
蒼伊人良獨難

曹荔軒

寅

梓白茅堂集將竟感賦

顧

昌

培山州人

和壁不世出剖璞須其人珊瑚結海底網取非柔初力
大用必壯鑿別識乃眞明公賦至性挺特空羣倫束髮
事高步老大能親仁生鍾燕吳秀氣壓京華春時維先
君子旅臥越烏呻公也獨慨慕意洽如飲醇走馬出
殿直攬轡來城闐晏語或達暮夜懷難及晨豈惟骨肉愛

竟以膠漆論身今致通顯揚
扞據要津金閨總羣彥雅
志獲見申古人不可沒後哲
宜隱淪庀工市棗梨銀鏤
崑穎新驪珠燦煤墨玉版開
瑠璘陳思慟敬禮護惜猶
苦辛矧同珙璧視忍終榛莽
湮中丞宋公許刻不
果 栗蔭軒集
宮井荆府雜咏之一

張 畸子駿
州人

禾黍悲故宮荆棘生宮井不照綺羅人
空拽寒泉綆秋來梧已落冬至桃還冷
過此獨潛然興亡良可省另齋集

喜麥莊至

李生槃谷友
州人

春風倚竹窗脫帽就暄暖徘徊念故人
狂喜臨清館君

蘄州志

卷二十九

詩

九

言別日多我問來何緩與君向階前
花看梅梢滿兩峯集

自渴口歸陳芳蘅伯仲送至舟中

張溥源梅川
人

天水共淒清積雪覆洲渚湖遊雙溪曲
遙向大江滸敝廬待我歸安能長羈旅
野濶雁聲疎別離良太苦長揖謝故人
脈脈兩無語

陳母行

陳虞部詩之母

喻文鏊

石農
黃梅

鬱鬱千尋松上有太古雪松比人心貞
雪比人心潔一

解

嗟哉陳母賢八月為新婦姑言諳食性
夫言善箕帚

二解

天風吹海枯海風吹不住吹起離鸞聲
痛泣丸粲

路三解 死夫固有婦新婦固有夫長謝堂上姑甘殉冢

中夫四解 阿姑前致詞淚落大小珠有娠纔五月珍重

千金軀五解 強起語阿姑焉敢惜一死慰夫宗祏心且

夕吾暝矣六解 珠顆好男兒羅薦蘭湯沐巖風吹寒幃

抱向靈前哭七解 慈烏生一子哺穀漸成雛典我嫁時

衣購我架上書八解 讀我架上書還我嫁時衣死夫亦

有婦賢母亦有兒九解

彤廷下
紫誥表為人母式豈惟人母儀允稱士林師十解
紅蕉山館詩鈔

蘄州志 卷二十九

高貞女行 字黃立人

陳詩

青青女貞木皎皎心不移斲為太古琴絃以寡女絲一

解 琴亦不在御絃亦不在指哀鳴聲烏烏女心井中水

二解 井水有時枯女心無時渝再拜辭父母願言養舅

姑三解 舅姑前致詞淚落連珠子有婦如此賢吾子良

不死四解 死者肉已寒生者志益堅卓哉高貞女清風

激愚頑五解 大桴山人存稿

出唐家山 宋德輝 玉山州人

在山聞泉響出山聞人聲人聲與泉響孰濁孰輕清此

道非天闢五丁開榛荆諸峯屹相對一路傍巖行緩步
無側足路險心自平倏經奧折處往往清風生下有溪
源水流出萬古情雖無蒸蔚氣頗得謝煩營吁嗟山中
人回首白雲橫

倣古體箴讀書亦以自勉

陳紹瑞

菊人
州人

斯世獨無我權憑造化操聖人不著書終古任寂寥有
書更有我長日肯坐消柳篋無多藏曹倉亦未足入夜
焚蘭膏常將晷影續行其分所宜何須夫子勗佛書與
仙方咿唔徒艱澀所不憚形勞六經子史集不把此心
死如澆鴨背水不養此心活拘牽守故紙我愛鄭康成
馬帳目不昧我惜王荆公青苗誤周禮

我身處平地仰面見天高更上一層山仍不低分毫瀟
灑武夷頂超然勢岩堯崑崙泰華巔羣嶽接九霄試一
登其峯依然首可翹自下而觀上層層境若招自上而
觀下無限路迢迢可知自足人終身井中囂歐公畏後
生劉郎怯題餒想見古人心不吝尤不驕

天地祇一理生出古今人仁義禮智信一一付性真斯
人祇一身肩挑古今事忠孝廉節烈致命以遂志胡爲

能如斯惟恃此心定松寒色轉新竹瘦節彌勁誰敢擬
聖賢求與聖賢近設身立門牆必不遭斥擯世人喜讀
書意重求名令富貴等浮雲窮達聽天命大本能無虧
焉往非傑俊願常守此心賢關當漸進

五言律 八十
五首

山居

顧咸泰 思菴
州人

別自為清晝晝閒意轉清香煙紫古篆竹韻走溪聲村
斷煙光接湖遙雲氣生農歌隨岸曲雅俗各怡情 石倉
詩補

答王純伯 顯
次來韻

顧景星

蘄州志

卷二十九

詩

七

白日空環堵窮愁未著書野田看射雁春岸指叉魚萍
跡還為客荷衣亦號儒雖歸故鄉陌終與俗情疎 白茅
堂集

鉛鋤潭

顧景星

遮雲催萬壑起伏更嶙峋百里植梨水千山巖壑春林
陰著魍魎潭定落星辰瀑漲循河下蛟龍亦有神

豁口

顧景星

野岸泥難棧江船纜繫斜迎風放桃葉宜雨是梨花流
水東西堰新村八九家兵餘得純樸漸欲見桑麻

王子雲 一翥

隱居廬山忽過訪

顧景星

只愁歸不易歸後轉饑寒知已十年別貧家一飯難白
頭仍避地遠害肯投竿孰是鄧文子能令王憲寬

屢辭
徵辟

送方澹還靜明山二首

顧景星

石徑入窈窕回巒知幾重雪高松際瓦鳥下午時鐘斷
碣無人讀空廊有鹿蹤題詩向崖壁長倩白雲封
劫火不能燒空山長沈寥寺名遺舊志鐘款認前朝踏
雪迷歸路隨緣懶挂瓢獨餘雙草履畱向杖頭挑

廣教寺

顧景星

空山春雨足亂放杜鵑花瀑響猿羣喜天青鸛鵲斜客

蘄州志

卷二十九

詩

三

來尋舊竹僧去焙新茶作者今何在風流憶永嘉

秋日登拱奎樓

防憲徐公建

李炳然

鴻文懸石閣白露滿城隅直爲藏書計非關寓目須寒

籐纏古木亂葦擁澄湖卓立羣峰外疎林半欲無

江麓
堂集

蘄陽營兵丁元通逆受僞札其妻某氏預知泣諫不

聽乃絞殺其二女尋自經而死後丁元事洩被執

乃拊膺大哭云悔不從妻氏之言 李炳然

不謂丹青烈芳徽出婦人嫁從廝養卒愁見陌頭春薄
命緣非構三生義滅親早知嬰母廢那到藁街陳

萬壽寺訪天山老人夏珪伯不遇 李炳然

詞場久寥廓大雅得狂生鷓鴣凌風急驂驅驀澗橫巾
車憑逸軌釣艇或知名不見黃公叟松風滿院聲

重過水月山寺 李炳然

十月林葉赤晴空愜舊遊山川天氣好橘柚露珠留野
火連斜郭寒溪戀去舟幽人不我棄落日過橋愁

粵歸展墓 盧紘

六載兒歸日悽然拜母墳青非初植樹白是舊瞻雲支
感吾宗弱哀祈地下聞將辭東郡去心與楮俱焚四照堂集

蘄州志 卷二十一 詩 十四

將適東郡值雨過株樹林望先塋不得上

盧紘

每憶煙荒地時從夢裏遊到家旬日雨偏隔一山邱北
道催行急長空併涕流愴魂從此去夜夜遶松楸

楚蘄首山盧公一門節孝詩四首存三 癸未寇薄

陣誓相死守城陷不屈死前後從公死者次子諸
生紘紘子晨初從子紳從孫震初紘妻楊氏震初
妻袁氏 楊枝起扶曦雲間

昔賢盧子幹身隱道彌尊抗節伸炎漢流徽到遠孫譚
經時握麈殉敵不呼智異代縹緗素應憐風義存

早播黃香譽終成王蠋忠時危貧賤奮義重死生同碧
血流霜草鴻聲感玉穹元成方繼起人憶范陽風
嗟爾四君子翩然華國才不期霜鏑染能使陣雲開忠
孝傳家業精靈越夜臺當時仗節者騰告忍徘徊

殉難詩 四首存三

張一鵠 丹齋雲間

楚國先賢傳千秋事可師家畱子幹學人畏彥方知槃
澗鴻飛日孤城鳳鍛時年年江漢水常與薦芳菲
彤管垂遺詠芝蘭此共傾無心猶恤緯有淚已崩城朱
火芳仍烈寒泉骨愈清自緣誠感切執義及衫纓

蘄州志 卷二十九

詩 五

褒典殊前代推恩自

聖朝天書輝草木泉戶仰雲霄華表遲歸語青春託大招尚
餘榮養憾灑淚滿征輶

初夏山中送李嵩岑赴粵西僉憲兼憶盧澹巖先生

陳之京 觀伯州人

西湖老病休出處各為謀遠宦蒼梧去幽棲叢桂畱楚
山紛漠漠湘水淡悠悠佳句頻酬和人逢柳柳州 天衢遺集

七葉寮 談允謙

朝氣尙未散鬚眉都已侵若雲流水上非雨瀝松陰客

漸移鳩杖僧猶阻鳳岑城中有空翠何必萬峰深樹叢草堂

沈雨湖

談允謙

汎入雲深處驚鳧出水涯引人湖最曲令我興彌賒客
靜親鷗鳥舟行讓藕花幾時兵火靖遂志得還家

蘄州官署題壁

呂

暘

全五無錫

梧桐纔葉下絺綌已驚涼健翮霄承露紛英晚帶香魚
開菰子白鶯喚柳條黃虹見愁無雨花陰聽早蟹

蘄州三角山寺

王

顯

純伯曲周

蘄州志

卷二十九

詩

六

三峯稱勝地登眺有餘情鳥語堪畱偈花香可作盟俗
緣閒裏斷禪法靜中明林密山藏寺鐘聲雜雨聲

三角山龍門寺二首

僧天章

徽州人

塔焉虛隱几規月恰投牕喝石山羊醒揮塵野馬降巖
空天借半橋臥影如雙此意憑誰指遙峰插翠幢
臨榻不能寐山空月一樓草蟲虛沸夜梧雨壯迎秋却
坐涼如瀉相看意自酬寂寥生曠眼扶策好優游

送黃公還

施閏章

尙白宣城

強起非君志京華豈復春懶充虎觀客閒許鹿門身冠

蓋看今日湖山讓此人狂歌自通隱未老豈長貧愚山集

悼袁先生公寥素亮二首 張仁熙

頗識東阿又還疑李賀同幽思華屋裏鬼語玉樓中地

志文偏古浮亭賦獨工孤墳不得意搖落耐秋風

風俗爾先憐繁華亦自牽真才人欲殺駿骨恨難捐老

眼荒天地雄文半鬼仙廣陵無限調淒斷付哀弦藕鸞集

喜盧參政絃自姑蘇歸里 張仁熙

憶昔繁華地春風玳瑁觴錦帆留極浦花信到橫塘對

月聞歌倦看雲笑吏忙歸來無一事重上讀書堂

蘄州志 卷二十 詩 七

蘄州蓮花菴道上 舒峻極梅川人

青草留行路黃花徧野田數家成市井疎樹黯炊煙估

客遠來糴溪橋春集船同遊歸興動未到已淒然葦園集

同集生公卜過柳塘故居 張士淑

昔時遊冶處池館徧荆榛白髮悲前事青山憶故人鳥

呼如識面樹老不知春為問荒堤柳長條幾暮晨雲溪雜著

宿福勝菴 龔栢百子州人

不待安身久虛空靜裏生各言心所受共識理無爭一

榻禪初定千秋月正明鐘音隨谷起桐葉落三更半畝集

雨宿王邵石山房

欽士佃州人

信宿十年地重來路不歧山川高士傳風雨故人詩酒
熟秋前稊交盟鬢上絲蕭蕭窗外竹况味此君知

瀛洲集

舟泊蘄州追憶顧黃公

張瓊基

梅川人

問孰張吾楚伊人絕可嘆龍旂刑白馬牛耳誓朱槃聲
勁松風蕭韻流竹露寒白茅猶似昔寂歷夢魂殘

烈士廟

黃天福

錫五州人

江水朝昏逝丹心日月懸兩朝悲合璧一死感重淵凜
烈龍磯石蒼涼鳳麓煙偷生苟富貴到此覺徒然

棲鳳堂集

蘄州志

卷二十九

詩

六

烈女墩

黃天福

雙娥凜大義一奮葬澄淵死骨清如水貞心苦在蓮眾
中誰勁節波底感遙天隱向塵埃外池墩護月圓

山居秋懷

駱思白

緇守州人

東臯涼葉下遠岫亂雲生嫋嫋秋風夜淒淒楚客情空
庭流月色虛壁響蟲聲展轉難為寐晨鐘不肯鳴

遊靜明山

張仕渾

近愚州人

驟入初疑誤沿源興不窮穿林人漸小攬葛道微通潮
出千松杪鐘生萬壑中晚來山吐月遙指斷巖東

和方伯徐公惺雨湖秋月原韻 僧普紹雪嵩

不知秋樹裏住有幾人家吹笛響山翠敲砧弄月華閒
情歸野趣清賞在煙霞行到水窮際芙蓉處處花

涵輝閣舊址

鄭裔周邵胄州人

霜白蘄州路凌虛見女牆夕陽會水郭高閣自江鄉處
處芙蓉岸山山薜荔房城隅一回首極浦是瀟湘

聞友人讀書大泉寺却寄 鄭裔周

北郭茅齋晏南湖梵宇清芰荷千頃處風雨廿年情殘
白升雞犬枯槎達海瀛徘徊清磬寂念此意怳怳

蘄州志 卷二十九 九

太平山寺鐘銘古名靖明蘄志失考 顧昌

拔地起崔嵬崇巒萬仞開障塞青靄合崖護紫峯回草
色常煙雨山光到醞醅須知復絕處步屨接三台栗蔭軒集

題張巾祖師洞門 顧昌

一片寒山石中藏不壞身放光頭上髻說法手中巾溪

有石巾紋宛然傳是祖師遺跡定自六朝入慈堪浩劫親至今施惠雨

枯旱及黎民禱雨輒應

挂口晚歸 李永昇志南州人

十里西郊路行行日已冥浪花飛驟雨江火散晨星戍

暗笳初動天寒戶早扃蕭條場圃淨鄉國近多螟

若鳥村集

遊東山寺二首

李永昇

數里招提路崎嶇不易尋山隨黃葉亂寺共白雲深世
界煙霞外諸天鐘磬沈何因登寶地信宿戀珠林
暝色入長松禪關露氣濃一燈空萬象孤月印千峯真
性閒時見塵心覺後慵再來尋舊路只恐亂雲封

拜康國公祠

秦

京

永畿州人

下馬入祠內英雄足敬恭驅元獲八刺敵漢走羣克采
石磯頭虎鐵橋水下龍明廷推武義嘉謚久銘鐘

愚圃集

蘄州志

卷二十九

詩

三

夏夜渡金沙湖

郭從

一葉東湖往夕陽光有餘烏飛昏擇木鷺宿晚窺魚明
月投雲暗殘星映水疎遙看燈火亂相信是村居

蒼屏集

七懷詩

有序

張畸

郡中師友一時名宿日月如流零落殆盡撰詩懷人感
往增愴云爾

東皋李夫子

炳然字人虎順治辛丑會試副車官吏部司務出宰江西萬安早賦歸來杜門

著書文宗選體詩學少陵有江麓堂集傳世

大雅存吾道高懷詣古期宿精文選理老敵杜陵詩五

柳歸來日千秋著述時暮年陶後進不倦講帷披另齋集

盧公澹崖絃字元度順治己丑科進士歷官蘇松糧儲參議罷居虎邱講學海內知名士無不

景從四照堂文集盛行歸蘄宦橐蕭然古書器玩俱散佚四方惟結容膝軒於鳳山之麓年八十餘猶手不釋卷

風波辭宦海著作老山阿文體分西漢詩情帶永和虎

邱曾講學鳳麓久安窩獨掩柴扉靜藏書付薜蘿

汪公仇懷蘄字蘭友順治己丑科進士知福建南平縣以不媚權貴罷歸詩酒自豪與東臯澹

崖諸先生各建旗鼓一時擅場

高捷南宮日風流雅絕倫才餘隨酒展興溢惹花曠秀

蘄州志 卷二十九

詩 三 五

句浸寒月駢詞麗曉春囊空免羞澁瀟洒露天眞

王約菴先生協字恭南雋才博學由明經出宰華亭疎狂自放不能爲五斗折腰遂拂衣歸

蘄居城之南山以詩文自娛

鶴唳華亭後南山種豆翁揮鋤輕阜蓋迴首嘆飛鴻書

卷消閒日行藏類轉蓬西湖曾有約花柳六橋中

李千英先生士俊字蘊文少博青衿卽精古學從遊於澹崖舅氏東臯伯兒時加磨礪駸駸

有得扁其居曰鶴原石室茂林修竹客至剪韭烹葵雅有幽人深致

巾衫端素履石室老鶴原酒結同心侶詩追嘔血魂呼

兒春剪韭問字曉開門世態浮雲外先生古道存

鄭邵胄裔周

一字闕吾州名諸生屢躓場屋遂放懷詩酒於吾輩中稱豪士焉後余結雨湖

吟社而闕吾先賦玉樓十餘年悲夫

昔年詩酒社我愛鄭當時擬古霞成綺飛觴月醉卮不嫌羹是菜更喜墨臨池制舉科名事流傳豈在斯

郭層崖從

一字去山州諸生負性調儻慷慨有大志喜讀秦漢書畫獨出匠心更精古篆其

生平所歷人情物態悲歌感慨無一不發於詩付梓時病篤夜三鼓招余永訣以不見刻成爲恨云磊落襟期遠居然八尺身文章高格調器度起嶙峋感

遇禽言盡

從有禽言十首最工

摩鐫古篆神煙雲爭繞紙一嘯出

風塵

蕪州志

卷二十九

詩

三

五

經江麓廢址

張疇

江麓堂何在空悲梁木摧重階開野徑片瓦落蒼苔封

禪書無草長門賦有才只今餘弟子過此獨徘徊

歲丁未大水偕丹九

道人

往泛

李生槃

薄暮來湖上飄搖坐小船岸隨千頃沒波逐一吡懸望

遠低晴嶂光寒倒碧天和舷歌未穩四顧已茫然

兩峯集

陳濃溪

鼎元

先生二水亭題柱

李生槃

春入尋芳好名園數太邱水知隨岸轉亭不讓河流遙

憶青蓮句如臨白鷺洲從容還一坐消息到源頭

東山寺

黃載華

蕭然東郭外寂歷古禪關綠隱一湖水青圍四面山鐘聲空際出客氣靜中刪消受蓮花淨方知世上閒

雲廡菴

黃載華

淨土藏雲窟雲深山與深朝宗門外水挿漢檻前岑松竹清遊興烟雲澹衲心我來思祖澤一笠蓋雙林雲覆雲廡兩菴先祖避兵處

昭化寺

黃載嶠丹崖

野殿寒光動蒼涼一徑通石闌兵燹後輦路夕陽中江

蘄州志

卷二十一 詩

一一三

水荒荒白山花故故紅誰將當日事回首問春風

宿古泉菴夜雨

熊楚荆漢南

深澗飛流疾荒菴夜雨長鼓聲寒帶濕燈焰冷無光咄咄頻書暗儻儻強作狂欲眠仍不寐夢亦卻淒涼

秋日鉢蓮菴卽事

熊楚荆漢南

一徑空林古迷天薛荔盤寒山森露骨落葉響彈冠碧鑑清湖水秋風冷釣竿蕭疎無限意應不數嚴灘

過永興寺

熊楚瀆師道

一徑通山寺泉聲到處聞蒼松能引客老衲喜論文洞

僻留殘雪巖高落片雲尋幽方未已啼鳥莫紛七

葦草亭分賦

釋重珂鳴菴

詩人能味道作意窮清幽日月棲葦草乾坤到兩眸平
簷湖水淨接岸嶺雲流對此塵氣息相將物外遊

過修靜菴

熊淇竹園

霽竹編幽利深松鎖梵宮纖塵收拾盡一徑曲迂通茶
熟花香外經談鳥語中葦草亭人坐久紅雨落濛七

留別天隱禪師

范正偉儒

路險穿雲上徐行挽薛蘿層巒烟景出心閣翠霞多有

蘄州志

卷二十一

詩

二四

意歸蓮社無緣斷酒魔何時清磬裏相對發高歌

江景

張作楫州人

孤舟憑斷岸落日抱迴流遠樹連山郭遙嵐擁驛樓氣
蒸天雨白浪激水風颼今古傷心事烟波天際浮

過白茅堂顧漁溪出黃公先生遺像展視之餘感賦

四律選二

張禮源念渠

大雅彫零後園留仲蔚蒿百城書擁榻三爽水迎毫海
宇驚詩伯蓬門哭楚騷榛苓思彼美憑軒氣猶豪

白茅堂自古三字額猶鮮書筆鬚眉見鴻文日月懸未

登牀下拜安得枕中傳末學瞻山斗空懷願執鞭

鶴雞山

四照堂舊址

程大中

參政歸休日鶴原好著書文猶傳四照蹟已付孤墟知

已東南盡山堂日月除可憐煙樹裏別自有幽居

甲乙存稿

過白甫冲

在鳳凰山下相傳李杜過此

程大中

鳳凰臺下路一徑入孤城白甫曾經此青山為紀名野

田春草變高躅古苔生過客殊惆悵空村鳥亂鳴

過大泉寺

劉之棠 懋亭人

丈室住維摩層巒路逶迤山空麋盜菜林靜犬眠莎石

蘄州志

卷二十九

詩

五

有千年古田云再易多道書編福地遺此獨如何

崇實文館詩集

登浮玉磯文昌閣

潘紹經

簪舟浣水

高閣插江流諸天水上浮乾坤此巨石風月古蘄州浪

檝看如馬河涯不辨牛曠懷塵世事灘外一漁舟

簪舟集

秀雲山寺

即紫金寺在長峪里檀林河七戶公所有鐵碑

陳詩

里社傳初地何年布紫金兩朝崇構古七姓結緣深月

淡清溪水風喧翠栢林世家遺舊譜好向鐵碑尋

大梓山人稿

五言排律

燕臺東劉克猷

子壯

顧咸泰

巍名隆海內彩羽煥天中雷殿初傳遶龍標首建雄文
星高射斗正氣獨凌嵩內相聲聞重鴻儒德業崇邾城
蓉鏡曉康里紙箋紅久列紗籠秘先題玉宇隆乃知瀛
苑異方識木天窿漏永修篁禁懷清廡島風青藜燃太
乙皓鶴點仙宮文發蒼鏤異書成黃聿同牙籤咸甲乙
籌畫各西東上下數千紀縱橫今古衷一時宏駿望百
代蔚宗工昔共名山榻多君表素功

石倉詩補

送李嵩岑巡鬱林

顧景星

萬里蒼梧路繩橋百粵懸水通七澤勝山與九嶷聯擴

新州志

卷二十九

詩

三

境新編戶論兵近備邊檄書紛桂聖旌旆繞灘川風俗
圖經異城池壤勢偏赤巖晴自瘴巒樹綠多烟野果全
如百蚌蛇美似鬃獻歌蘆管鬧叱馭跣郎先孔雀呼都
護靈麋識使駟長齋鈴閣靜散帙錦題鮮

君長齋奉道
家多藏書

薏苡休來謗桄榔可駐年火山明劍氣冰井著廉泉炎
景憐分袂危途慎著鞭艱難吾道固心力爾才賢白日
高歌送青春取醉眠風雲看勁翮險阻信雄褰多難仁
人泰盤根利器全策勲宜用武訪道况知元元結碑猶
勒丁郎祀不遷

丁郎山在梧州岑溪縣孝
子丁密故有祀訛傳丁蘭

君行忠孝地

駐節儻流連

贈王大紳

臣縉

顧景星

死別驚重合寒灰肯再溫淒涼窮海淚痛哭舊朝恩徐
庶初驚放陳宮竟不寬物情麗悼惜天意獨周存喜出
黃泉隧來過黑浪翻遙知嘉慶畢苦話別離迤隱忍誰
能識傷心祇自捫他時相見後重疊技啼痕

夏日傷前宗正朱仲良甥廕先生湖上舊居

二十四韻

李炳然

廣譚開樊邸扁舟涉雨湖避喧營小築蕩隘滌洪鱸中

新州志

卷二十九

詩

三

壘經傳久南皮冠蓋殊應徐才總萃山桂色長腴生長

朱門盛傾懷白屋孤河間存禮樂東海表神樞銀榜懸

珠藥蘭言吐碧梧陳思三父子王李七俱于

先生與弁州滄溟七

子唱酬寄贈有詩篇最樂貧為善懷愁渺獨飲蒼天憐水旱赤子

弄萑蒲鳩鵲冲霄去鴛鴦碎地呼渡河舟掬指奪絹血

淋膜龍鼎髯存沒王孫飯有無甘泉驚火徹爰止卑烏

逋栢葉饑猶餅

先生逃賊難饑餐栢葉而卒

余皇棄在蘆草堂雷響

像松菊日綦燕泥擁蛇騰窟臺傾燕語雛斷橋通厲搗

浸板畫虬喻珠賣茅誰補坏融枳倩扶琴亡人載筆舟

司馬賦不換醉鄉侯泉石宜千卷烟霞護一樓狂吟忘
籍在長歎破離愁商洛真難老還須訪伯休

題陳封峯守城圖

吳省欽

保障資羣牧彈丸海一涯潢池兵忽弄巖邑木難支遺
愛流遐裔孤忠動健兒丹心櫻虎口赤子豎牙旗管攝
符交下艱辛力自持饑腸搜鼠雀倦骨倚屏帷信義雖
長在存亡未敢知帛書濡血繕介士戴星馳遂使瀕危
口真逢急救時雄師教迭進小醜笑空爲漠漠塵煙掃
濃濃雨露滋家完城亦保名著節常垂妙筆分明寫開

蘄州志

卷二十九

詩

三

窗慷慨披英姿真颯爽懋績想敷施巡遠輸君遇龔黃
頌爾慈泰平邊郡靖好藉撫綏宜

白華集

五言絕句 十一首

蘄州志有八景其龜鶴梅花東池夜月今亡矣盧氏

補其二余增損如左凡十

顧景星

麟苑江山

白晝江山靜空城似馬屯蕭蕭梁苑竹今日幾竿存

鳳寺晨鐘

顧景星

鼓角住清曉柝棧出烟樹山僧百八聲隨風過江去

龍磯夕照 大江石甚奇嶮水涸乃接北岸宋大觀四年立廟祀順濟龍王故名

義士死長江人來弔夕陽磯聲流不盡遺恨與江長

南湖漁艇 顧景星

且喜城郭近又無車馬喧打魚呼酒伴風雨過前村

金沙月泛 一名赤東湖 顧景星

明月亦何皎偏多雲水鄉當時兵火地到此即清涼

石簾積雪 治東十里大江中水涸乃見亂流一里水淺為患 顧景星

積雪覆蒼磧橫江走白龍幾時沉鐵鎖水底作奇峰

三角雲封 治東北一百二十里三角矗立 顧景星

蘄州志 卷二十九 三

北望司空原南下榷梨水中有鼎足山高入合居此

溫泉春浴 顧景星

脫帽林下露振衣山澗風不知春氣好常在此山中

城南柳嶼 在雨湖亦名鏡口 顧景星

湖光本自寬畧約已多設試問築堤人胸中何太窄

浮玉新磯 大江中為舟楫患萬歷十七年州守徐希明甃石增高使知所避建亭曰浮玉

埤垵連雲出濤聲繞樹長無情江上石獨立閱興亡

蘄簞 金德嘉 會公梅川

高枕得桃笙炎天遊化城中宵醒蝶夢皎皎見參橫 居業

齋詩鈔

七言古二十首

沈生行土望蘄州諸生崇禎末上書召見授兵部叅
謀輔臣移送江督袁繼成幕

顧景星

先皇避殿居齋宮晏食不聞司樂鐘黃門晨放罪己詔
卓囊夜啟登聞封是時韋布紛然至沈生棄家走燕市
上書直動萬乘尊宋代陳東毋乃是韎衣給諫名最高
陳啟呼吸帝座無汝曹沈生上殿一指顧往往廷論歸
儒髦潼關東西蘄門北沙蟲擁道邊城塞皇心但警紫

蘄州志

卷二

一九

詩

三二

荆崗司馬誰防白波賊銳頭參軍最後來但隨幕府臨
江開短衣出入通侯第岸幘還登歇馬臺倉皇昂首驚
傾覆烏號無弓小臣哭義旗壯士且鷹揚溷跡王孫盡
魚腹渡江忽報安東軍生也收涕趨轅門化龍有識雖
曾應鵝馬騰謠忽遽聞凶奸構禍何倉卒誰夢湖城遠
營日漢安爵命豈非恩廷尉山頭况難必丈夫死即鴻
毛輕石頭取節非純臣帳中濺血黃將軍頭下奏事有
沈生將軍敗後無堅壘疑笳疊鼓軍容改潛身幸託江
海翁青衫已卸麻鞋在瓦盆半菽妻兒瞋憔悴尋常行

路人誰知乞食陶彭澤莫辨埋名梅子真春風貫酒茅
欄下念是當年請纓者卻憶先皇御極初執手相看淚
盈把 白茅堂集

王居士歌 有序

顧景星

居士四十不娶若狂易鄉人共笑罵斬陷自危堞踊身
下無所損結茅廬山清涼臺巖巖懸空下臨百仞常月
餘不食客至戰慄不敢上居士遙望大笑而已無名字
自曰我仲尼之徒因號尼徒居士僕慕其人爲之歌
尼徒居士本無家帶髮已自披袈裟鄉人共笑死邱壑

蘄州志

卷一九 詩

三二一

獨脫禍亂棲煙霞清涼台上人踪少隨意晨昏坐來好
經時石罅生白雲盡日林間絕飛鳥

東湖 名金沙亦名赤沙

李炳然東臯

蘄陽城闕東南隅金沙赤沙闕東湖勾漏丹丸光的爍
或云其下饒藏珠春水方生百川漲潯崖錯認牛馬驅
眾師柳族頻撥棹鳩鵲鷓鴣雜音呼晏安憶昔全盛日
月夜盪槳雙飛鳧好奇常奪漢陂席江妃來徃羣龍趨
水月白露天無滓直汰塵斛于冰壺奈此狂瀾江海覆
斜風細雨誰盧胡長鯨貪餌饜作腊龜口不見血淋顛

南望洞庭是青草西眺匡阜之香爐今年山墜十八丈
共頭塌破古鷓鴣最愛湖平流淡淡小舸勝杖短筇扶
青女霜繁水潦降恒河沙聚一邱區忽慕沔湖汎舟夜
即官新題千祀俱

江麓堂集

甲子冬杪與諸公同涉雨湖會祭嵩岑李中丞作

李炳然

雨湖冬涸潦水平北風橫厲多哭聲蘋蓼泥汨岸角出
秃樹杈枒葉戰鳴一碧泐深清見底鴨頭衣綠菜綸紫
儵魚羣戲乘空遊素心元淡乃如是兩三人航渡口開

蘄州志

卷二十九

詩

三

葦間延綠魚鳥來老僧可憐餉茶茗野客驚寒就煬良
更有王孫游衍處落日古瓦竄蒼鼠板橋倒臥踏冰霜
牛羊下隴傷禾黍請君回船夜水渾聚少離多看浪痕
今日羊曇猿墮淚機船慎勿到西門

奉和汪仇懷

衛

正月十三大雪偕同社諸公赴石璠

生

爲璠

招飲卽席賦七言古風一首

李炳然

雪滿五枝水倒舉蝟毛蹙縮傷馬圍豪士飲酒競華筵
日中洒掃還未許醪過牆頭枉用存雪裏款扉春雲溫

折簡招我走稚子
榭葉燒爐熏芳蓀
鵲巢歲據雙槐上

井口籬邊舊竈場
石氏堂列二槐樹上
有鵲巢下有甃井
可憐七葉落辛

盤笑指銀瓶罄家釀
殘杯冷炙莫驚猜
槐堂豈為老春

開觴詠不貴大官讌
四座風生見辯才
汪子承衰文崛

起廊清蕪穢詮奇理
蔚豹倜儻概凌雲
唾壺擊缺不吾

以石子朗朗玉山行
照見清襟雪月明
芝英筆底書無

算武庫縱橫人莫名
八十老翁久疲病
谷汲山樵息心

競土膏盲楸省三農
梅隴衝寒識七政
索居往往惜離

羣衰顏酺會倚觴
醺况值金吾弛夜禁
灞陵可識故將

蘄州志 卷二十九

詩 三

軍門外鼓闐燈火節
士女揜臂誇白雪
宮月蓑衣鋤帶

寒春水方生罇酒別

蘄城弔昔 盧 紘

江城怪石環蛟宮
鬱覘佳氣凌菁葱
朱邸晝開傳鼎食

樓船夜汎喧絲桐
飛馳上下帆檣會
翹首流連大國風

南山週迴森列幃
沙渚綿亘曲遶弓
地居雄服當荆末

萬里奔濤難控遏
出峽曾聞一線天
朝宗滙此偏驚濶

東來美聚勢疑蟠
突起人文多秀達
虎變龍驤命世奇

登壇赤幟紛能奪
運適終乘百六年
焦毛薄肉殞多賢

修蛇噴毒螫其後狂鯨鼓翅噬其前炎烽四起百堞墮
廬舍成墟灰蕩然荒原處處飛燐火木叫寒鴟草宿煙
俗承醇厚猶稱淑天怒胡櫻罹慘戮我歸骨肉並傷殘
衰經期功一時服萬戶千門僅有存眼中那見英耆風
獨坐江頭憶舊遊淒風漫助離人哭

四照堂集

麟山歌

談允謙

客來荷笠登北峯宮殿彷彿生悲風狼籍明月空城裏
埋沒白雲山谷中指顧山河存勝概風華雖改山巖在
山逆江行橫百里湘漢交流到城汜隔岸諸峯張翠屏

蘄州志

卷二十九

詩

三

鴻宿一洲草青青勢聚軒翥氣葱鬱列岫皆成龍鳳形
桐圭分命冊諸王荆藩土茅臨楚江臺殿平陵半天起
碧玉堂高剪秋水紫晶簾軸鸚鵡啄沈香火燕鴛鴦睡
夜讌未已鳴朝鐘日午君王夢正濃一承顧盼殊恩寵
蕭艾亦與椒蘭同竹生禁地能高潔疎疎爲節密爲葉
截成長笛聲裂雲織作冰紋簟如雪幾多花鳥冊妃嬪
累朝老樹封將軍簫鼓喧闐應鐘鐺滿城日夕流天樂
靜如琴瑟人不聞賜如素手彈珠閣中開七府列煙霄
出入賓從車馬高吹竹彈碁吳越客鬪雞走狗燕秦豪

一水荷花三十里畫舫煙波動銜尾曉夜笙歌何處來
王孫泛舟雨湖裏食祿歲支萬與千王侯誰復惜金錢
闕闕相延習華靡蘄陽佳麗非他比六院背倚熊嶺頭
美人粧閣上簾鉤行客不知狹邪處聞香才覺過青樓
追歡多是少年者每日出門閒倚馬游人歌舞不知歸
夜半城中鑰未下朝朝長捧千年杯誰知樂極有哀來
秦中鐵騎蹂荆楚江上多年震鞞鼓帝子崇封在此間
臣奉藩兮守疆土龜亦不在澤蛇亦不在山不識真龍
種何年去此間龍折角兮鳳墮翅湯湯龍磯日東逝元

蘄州志

卷二十九

詩

三

妃祝髮寶月菴中使披緇鐵佛寺

樹護草堂集

評鶴原子詩兼贈

李士俊

汪蘅

里中佳士鶴原子冰雪爲懷絕纖滓幽居築向鳳城偏
花竹蕭疎映圖史身豐暇豫抒深情成詩雅得風人旨
几篋殷殷金石聲不屑示人長自喜偶然小策披汝逕
緒論微言洞名理緘將新製我持歸剪燈吟繹香盈齒
建安端合肖長篇近體還應天寶擬時人此道競輕爲
苦心何處存詩壘願言大雅共扶輪風格堅凝砥波詭
當前好景足唱酬麟鳳之山雨湖水

乾明書院

六菴張公牧靳十有八載士民既建書院於城南鳳山坊矣茲復建書院於大士閣

之左亦曰張公書院予因其地題曰乾明所以別鳳山云爾

汪蘅

乾明磯石靈芝石乾明磯左羅仙跡大江東下抱磯流
昔時磯址今沙堵磯上平原接鳳城古廟參差臨絕壁
南山排翠自年年州岸蘆花初吐白菱唱漁歌落照時
風帆沙鳥煙雲夕依稀髣髴畫圖中王維欲寫千難百
由來牧伯幾登臨那許蝸櫺容片席只今杜父得張公
才出緒餘泣煩劇初疑化理鬱多難隨邁方城剽夏逆
征師奔奔困壺漿况復督郵腰頻厄田園典盡勵官箴

靳州志

卷二十九

詩

三

飲馬錢空空自惜荏苒心勞十八秋鳳山之原歛開闢
經營不日煥宮牆肖像情過惓赤舄澠州外史筆如椽
因檄詩歌光史册芳煙擗管散鶴原野老迂疎近笨伯
雕龍麗藻付英才兀把斑枝聊疏覈新詩裁罷睠江濱
無盡恩波磯前渚

寄懷顧黃公江居

金德嘉

掃地北風搖馬尾送我春明酒半醺我馬且行爲君立
城頭殘月照離羣是時巷南歌偏側君苦欲歸歸不得
五月逢人北寄書潭州博士報雙魚舒郎伏劍客秦隴

君亦掉頭返舊廬
斬春草樹佳可嘗
草屨紅滕况蕭爽
江水盈盈浮玉磯
西塞山下鱖魚肥
人生安能牛馬走
細爭雞口與牛後
元瑜記室事徒然
鄭虔官令更誰憐
何如爛熳花前酌
酩酊醉醉眼看雲
雨湖邊居業齋
詩鈔

虎入城

康熙辛丑十月十四日

郭從

虎入城七民驚
有衆逐虎虎負鳳
麓之隅莫敢撓
專城都護州牧
神明以正止邪
虎無生吁嗟乎
勢大者小不能
與之敵力強者
弱不能與之爭
青天白日公然
橫行虎乎虎乎
今入城七民驚
以正止邪虎無
生 蒼屏集

蘄州志

卷二十九 詩

三八

題郭蒼屏畫

李生槃

蕭奐老後王宰死
千年突出蒼屏子
一邱一壑清且奇
萬里遠勢藏尺紙
霜林闇淡秋氣深
遙天暮靄羣雁起
中多村落住幽人
三三五五目行止
舉網者誰釣者誰
結伴更在煙波裏
板橋扁舟自相通
山水蒼莽青濛
牧童牛背何處去
令我想見羲皇之
高風吁嗟郭君把
筆凝神久沈雄
寫付後生須珍重
而今米顛風流空
遺踪

兩峯集

重建文昌閣

劉之棠憩亭

浮玉磯頭石蹲虎釣魚臺下老蛟舞象罔魂驚遁且逃
橫截江心晴噴雨新安使君真好事百年亭閣存遺矩
風霜剝蝕星物換簷前欲墮竄蒼鼠攜酒登樓謀重構
高撐無慮三尺許物有可觀皆可樂矧茲大乙文章府
上流駭浪撼龍磯隔岸鐘聲敲石鼓石鼓寺名山麓斜帶鳳
凰冲指點遊人弔白甫夜深長嘯落星寒北斗闌干照
江渚崇實又館詩集

題陳卦峯

良真

守城圖

戴

珊

蕨塘

武巒山畔妖氛惡蟻聚蜂屯城下薄官吏胥戕獨釋君

蕪州志

卷二十九

詩

三

旅館寒檠尙綽綽大府嘉之能得民捧檄重臨七里郭
狐鳴嗥起復攻城蒿松溪外恣剽掠椎牛誓衆招流亡
義民番社爭踴躍琴鶴拋來也荷戈六月烽煙爭息柝
開濠貸粟計將窮目擊瘡痍轉溝壑瀝血淋漓書萬言
夜絕間道防賊覺城存與存亡與亡籲衆矢言僉曰諾
以糶爲糧古未聞分甘亦復存醴酪守陣皆哭感神天
旌旗飛揚臨衛霍電掃星馳城復完時雨滂沱歡聲作
兩度瀕危寸瓦全歸與決計攜芒屨蜚語無端又及君
如天鑒誠恪感激臣歸愛日長餘生已遂循陔樂春明

重入畫圖懸指點前塵動心魄尚憶軍行整鶴鵝須知
信義行蠻貉新詞海外歲傳芭君亦何慚侍褒鄂

讀泣蘄錄作

喻文鏊

有客示我書一束云是辛巳泣蘄錄作者曾是當年損
甲人二十五日歷歷身所親十萬金騎薄城下往來硬
探馳快馬指揮將士號令明萬人鼓噪聲震瓦去年築
惠民倉今年泣安民堂蠟丸一出無消息千古同痛張
睢陽城上烏尾畢逋深林月黑羣鬼呼我讀此篇重徘徊
從來濟變非無才他時文相囚陸相死煌煌兩傅勞

蘄州志

卷二十九

詩

單

龔開君不見蘄州樓堞暮江曲至今生氣凜在目憑弔
蒼茫有幾人題詩好寄陳愚谷

紅蕉山館詩鈔

前題

葉繼雯

漢陽人

謀人軍師敗則死史傳剛存數言耳覩縷誰述危城危
血淚淋漓補青史憶昔嘉定十四年淨居山寺生烽煙
蘄陽三月初聞警諸公力障江淮境五關一破何披猖
雲車直逼羊馬牆朝禱三清殿夜禮孝弟王驕兵誤我
非天亡龍舒援兵望不至武定援兵亦奔潰王辛袁海
遠隔松陽橋可憐一炬城堞焦積衣林裏綠衣人骨肉

灰燼餘一身忍死偶脫人鮓甕傷心重對鴻雁民同官
遺骸莽煙霧捨地招魂趙與裕出城追罷罰已苛奪關
求援史尤誤怯將如龜不加誅一腔熱血灑何處

雲素稿

前題

陳詩

黃土關下鼓聲死神光觀前燧煙起渡河直逼羅州城
一日夜行三百里白鬚太守稱能軍白袍通判同苦辛
金汁鍋飛萬牛火鷲軍洞燒雲日昏焚香告天天不顧
蠟丸望斷龍舒路三角空屯朱虎兵萬金坐索圍城賂
可憐蘄陽城宜爲李秦死不作徐常生萬死一生趙司

蘄州志

卷二十九

詩

聖

理血淚淋漓書滿紙殘燈無焰風刮天揜卷傷心舊桑
梓君不見八字橋應援將士斬關逃又不見十字街趙
家坏土收遺骸至今麟麓龍磯上褒忠廟貌高崔巍

大梓

山人存稿

題葉雲素

繼雲

蘄春訪舊圖

陳詩

青青蘭溪箭泱泱蘭溪水若有人兮修且美朝臨右軍
書暮跋東郭履豪貴到門呼不起君家大別陰我任大
桴趾爲訪素心人那惜山川道透邈高軒旣東來敝車
亦西指蓬蓬天上雲歡然聚於此愧我山澤臞不堪添

入圖畫裏古來交道亦有神不待相見知相親披圖彷彿得君意况是蘄春村裏人

王孝子歌

周凱富陽人

霖雨十日不肯止山水陡然十丈起衝田蕩屋人化魚中有瑯琊一孝子孝子家無升斗儲舌耕養父悲母死母棺灰積三年塵亦效董永欲賣身賣身誰復奉厥父夜讀寒燈寸心苦忽驚風雨排山來水聲挾之喧如雷三間茅屋詎足庇母棺欲漂肝腸摧時也厥父客鄂渚仰天大慟天亦哀父生尚可親串依計惟隨母歸泉臺

蘄州志

卷二十九

詩

聖

以身隨母棺出入翻波瀾波瀾倒影影接天天鑒孝子將終焉默遣河伯驅江水風雨逆行三十里孝子生還棺亦存共慶重生護桑梓吁嗟乎孝能格天理不枉得士如斯重吾黨作歌用勸讀書人君不見蘄州孝子王元長

古樟歌

麟山古樟三株舊傳明末張獻逆陷蘄州城夜見三人擐甲持戈護城疑卽三樟樹神也

王乃斌錢塘人

孝陵樹枯明社屋烈帝諸臣如朽木傳聞流寇陷蘄陽麒麟山頭鬼夜哭山中老樹鬱奇氣連理三株伯仲季

不誇衣錦遇錢鏐曾見論功坐馮異託根劫歷明山河
高寒不改凌霜柯羅平妖鳥忽飛到虬枝怒奮如瑠戈
此際風雲助叱咤羣驚天上將軍下葉戰蕭蕭賊膽寒
貞心凜凜達官怕吁嗟乎一木難支大厦傾空山雨露
沐時清行人尚識古樟樹宰木飄零康壽卿

七言律

六十首

赤東湖夜漁

顧景星

子規亂啼山木疎西嶂已沒殘詹諸橈聲暗問識同伴
星影不知誰得魚全生肯狎蛟鼉窟遠害且非豺虎居

蘄州志

卷二

詩

星

自笑爲農閒袖手漁租歲歲當畱畬

白茅堂集

尋飛昇石

顧景星

乾明磯上飛仙石苔蘚蒼黃棘刺中華表幾時堪下鶴
荒洲依舊只鳴鴻憑高晴見遠山雨得路香聞幽谷風
雲窟江聲重載酒廿年回首欲成翁

旌表劉貞節先姑墓

顧景星

名香綉佛日周旋膝下承歡二十年韋母周官曾立誌
斑姑漢志亦成編誰家匹婦蒙天語我祖流傳有地仙
鶴駕瑤池歸去否孤墳四載痛荒阡

寄答高台州培

顧景星

君侯昔自臨江至曾代愚山寄俸錢酒徒甕滿竟累月
窮宦囊空幾半年祇愁海縣無供億偏念山居闕豆籩
晚節漸於詩律放開緘應笑落梅邊

庚申秋楚有譁兵徐方伯攝巡撫相幾救戢亂庶遄
已步韻寄朱大
顧景星

公卿垂問滿長安近日誰堪大築壇樂毅有才仍未薦
曹蜍無用不遭彈饑鷹啄胃恒思掣野父憂時每罷餐
冑信南州徐孺子得官將相救凋殘

蘄州志

卷二十九

詩

四

兒昌讀書太平寺 寺舊名靖明

顧景星

汝攜書劍入名山萬仞峯頭不閉關欲策龍蛇青嶂側
試聽雞犬白雲間佛龕太乙來挑火僧坐靈猿許獻環
此地星辰如可摘自無塵想落人寰

思雨湖

顧景星

出門便覺家山好回首園林幾度看浩蕩宮亭一日過
攀援閣皂兩旬難黃鸝帶雨猶調舌紫蟹經秋未入柶
縮項四鰓誰較美歸心何必只張翰

答談長益 允謙 二首 并序

顧景星

蘄州城南雨湖曲折二十里峯嶺映帶園亭墓田夾岸
高下亂後全見蕭索京口談長益曰前此恨不著是待
吾黨名將以爲君剡曲可乎二詩見投依韻奉答
隔江山色南屏似晴雨眞同西子湖亂後墓田無宰木
長年漁艇伴樵夫君來瀾茗泉稱慧我自逃名谷已愚
地僻喜回車馬跡藕花蘋葉隱鷺鳧

何年指水號卽官慙魚羣公載酒看但使春波宜白墮
不須剡曲屬黃冠近城禾黍先秋熟接岸風煙入夜寬
肯約結廬相伴住預裁斑竹贈漁竿

蘄州志

卷二十九

詩

望

重過李中丞故居

李炳然

五丈旗開雨水濱藕花香罷沒蹄輪泣珠時藉沈淵客
許劍誰當繫樹人杜若草香三閭宅孤山梅放五湖春
分攜北榷關梁上白馬黃泉恨不申

江麓堂集

秋日獨步水月山寺喜友郭素如適至郭近遁跡沙門

李炳然

樹聲滿壑影蕭蕭一院涼陰閉寂寥藉草坐深塵事少
結跏話舊客情饒白雲舒卷藏烟岫黃葉飛沈散海潮
何亂茹葷猿鶴怨南華悔讀問逍遙

憶被難亡弟茂才樸侯

李炳然

西堂夢助句須成欲賦窮愁獨慰兄興到苦吟驚漏徹
家逢絕粒折葵烹沙原浴白同飛啄鋒刃燐青別死生
羣從子遺今獨立玉樓梁上可鐫名

過湧蓮菴有傷亡友陳仲啓

李炳然

東林約誓揭朝暎夜雨連牀經對翻陶謝詞場今頓盡
鍾王妙蹟與誰論山陽舊館惟殘草天上新文早及門
泉壤不聞滄海事車過腹痛已聲吞

蘄陽十景 并序

盧紘

蘄州志

卷二十九

詩

六

蘄陽八景今有不可考如太清夜月相傳以爲城東有
池中沈古鏡夜常吐光久淹沒無存矣今另叙定以雨
湖浮玉二景補之茲實不朽勝概質之同人當共以爲
然耳

麟阜江山

盧紘

浩淼江光一望收分明圖向坐中畱屏開翠障迴青靄
波湧晴沙引白洲賈舶千檣鷗影現村炊幾處縷烟浮
蹟傳白甫無題句應怪才人也漫遊

四照堂集

鳳麓晨鐘

盧紘

江下蘄陽遶鳳隈，蘆分四葉古林開。
耳根久信塵俱寂，水面猶疑響似雷。
大覺原從空際徹，羣迷早向夢中回。
遠遶晨起徬徨立，方識鐘聲送悟來。

太清夜月

盧綰

城東曾訪太清池，長老依稀述舊遺。
謾道塵沙溷寶鏡，已無陂沼漾淪漪。
天邊有月孤懸照，石上畱苔畧見詩。
方信山川多變幻，空傳好景繫人思。

龍磯夕照

盧綰

碇碣磊石踞江門，浪鼓蛟宮晝夜吞。
高閣窓中搖素練

蘄州志

卷二十九

詩

巽

五

遠帆天際帶餘昏，晴沙芳杜香浮岸。
漁浦微燈影隔村，勝地隨時堪寄眺。
尤宜落照看濤翻。

城北荷池

盧綰

長夏閒登城北樓，輕風時送遠香悠。
新蘗幾曲沿芳岸，高柳千門繫小舟。
採罷歌傳歸正晚，坐深潭競去仍畱。
頻來靜對消清晝，豈羨羲皇世上遊。

金沙夜泛

盧綰

一派湖光疊碎金，水烟相淡夜俱深。
小航獨泛中流靜，圓鏡虛涵片影沉。
鷗過不驚隨浪穩，鴈來早渡怯霜侵。

楓林兩岸留燈火村落朝炊且待尋

鴻洲烟雨

盧紘

西風翻浪漲平沙四覆陰雲濕荻花
隱隱渡頭依小艇濛濛村外有人家
疑聞驚起呼相亂遙帶衝飛影若斜
萬狀江光收未盡不妨暫作一籠遮

龜鶴梅花

盧紘

雪漫龜鶴似孤山萬片冬來石上斑
風送暗香隨隴出月涵清影待人還
驢頭索句寒生韻夢裏通魂玉破顏
夙昔王孫耽勝事探尋正自許乘閒

蘄州志

卷二十九

詩

哭

浮玉晴沙

盧紘

流引晴江一練澄瑩沙波湧石峻嶒
孤亭柱藐搖空出傑閣窻虛入漢憑
春到連汀吹杜若夜深依岸起魚燈
擬將七曲陪三島呼吸瑤京且任昇

雨湖漁舫

盧紘

幾曲烟波入畫中兼收風月夜融融
千株高柳圍村綠十里新蕖覆水紅
網罟晚天歸棹集菱蒲深處有歌通
由來蓑笠相傳業沽酒烹魚樂事同

烟光樓懷吳明卿

國倫

先生舊遊處

盧紘

寥落梁家江上樓
甌甓騷客舊登遊
烟波晚眺曾留句
沙渚秋平幾泛舟
漫對翠屏千嶂合
徒存片玉一亭浮
同來覽勝今何去
常使經過弔暮流

送李嵩岑繕部入都

陳之京

花妥鶯嬌萬錦攢
垂楊千尺拂征鞍
名香不事芬喉舌
粉署初栖試羽翰
壯麗蕭曹崇漢殿
夔龍禮樂映冬官
還淳爲搆工倕指
驥首升恆正石磐

天衢遺集

答新泰盧澹巖社翁

陳之京

避地移家遠索居
長竿湖畔釣雙魚
故人分俸還沽酒

蘄州志

卷二十九 詩

四九

野老援毫正著書
膏雨岱宗雲合後
文瀾滄海日生初
琴堂清暇如相憶
爲報秋風短鬢疎

浮玉磯

劉醅驥千里

怡亭舊落水中央
奔突東磯更混茫
直劈江心帆路隱
遠堦虹背釣臺荒
天圍鶴浪千峯隔
風住神燈六月涼
楚客白蘋蕭瑟裏
何須聽雪上瞿塘

芝在堂集

龍磯寺

談允謙

鐘鼓波深島嶼晴
呼人隔水拿舟迎
蛟龍定有窟在此
風雨未來潮自鳴
磯險乘流船駛渡
江斜衝郭石孤撐

疑僧終世不曾寐每聽夜靜驚濤聲 樹護草堂集

談長益揚訂遊雨湖次答 張仁熙

州城南郭望霏微郭外澄湖帶夕暉棹入千峯花徑好

溪深五月釣魚肥佳人白羽停宮扇遊子春衫漫薜衣

近得盧敖清興滿題詩多傍彩雲飛 藕灣集

春雨懷卧雲煉師 舒峻極

入春十日多風雨山路時深一尺泥江郭每思飛鳥外

故人遙隔暮雲西草窗擁衲應臨帖野寺尋僧或杖藜

洞口桃花晴欲放肯來覓句竹間題 葦園集

蘄州志

卷二

九

詩

五十

舟中值顧赤方是夜復別去紀贈 襲鼎孳孝升

吳船楚語隔中流招手相看續舊游多難感君期我死

著書空老益人愁香薰袖草三更月酒滴離雲百里舟

落日金閭遲客屐座中詞賦倚應劉

次韻酬徐芳瑤琮 張惟金貢方

交忘年淺意還賒樂事相關豈有涯掃徑欲懸徐孺榻

含毫煩寫趙昌花高懷落匕常投刺一水盈匕屢泛槎

最是江天春色好與君攜手倚晴霞 黃嬭堂集

送陳湛我歸潯川 熊心璋公朗

夕陽山外野烟橫
疋馬蕭條趁晚晴
未必通宵行百里
何妨越宿話三更
搖鞭却聽鐘初動
據棧應知月倍明
好去環川村酒熟
東西湖畔有餘清

芝麓山房集

遊羅州城次陳子巖韻

陳鼎元

賸水殘山偶一遊
荒城指點是羅州
東周國號傳青史
南宋衣冠成古邱
過客幾人悲麥黍
居民不自解春秋
芙蕖滿目多蕭瑟
清沼猶通廢圃流

半畝園集

春霽偕諸人偶步桃花村
因渡蓮市湖過碧雲精舍

歸憩山齋得詩四首

選三

李永昇

蘄州志

卷二十九

詩

五

閒吟野望雨餘天
何處春光不可憐
夾岸柳絲青似染
隔湖草色綠生烟
啣泥燕子隨風下
倦釣漁郎就日眠
雞犬數聲村落近
武陵原只在人間

春漲初澄一鑑開
小舟雙槳劃波來
趁人野蝶如相識
遶徑幽花不用栽
山髻僧頭新帶雨
笋根龍角已驚雷
空堦坐久苔紋淨
看竹吟成未擬回

山脚落日晚蒼蒼
曲巷泥深歸路長
箕踞繩牀容我懶
掃除花徑爲春忙
盤中碁局重翻譜
鼎內茶煙自沸香
客散閒亭初日上
美人天末永相望

若鳧村集

登鳳凰山

李永昇

孤城憑眺遠蒼蒼
山色江光接混茫
木葉半空驚鳥雀
草根斜日下牛羊
放衙吏散松庭靜
負郭人稀菜圃荒
一徑晚烟生杖屐
佛鐘聲出故宮牆

泊散花洲二首

李永昇

輕舟一葉傍煙棲
春意纔教柳色齊
遠近晴沙眠水鴨
高低麥隴鬪山雞
提壺客集疎籬外
問渡人喧斷岸西
徙倚夕陽詩思好
或樓鼓角轉淒淒

暮雲含雨作春寒
一片蒼茫入望殘
隔浦漁燈浮水面

蘄州志

卷二十

詩

五

遠村人語出江干
無自信逢時拙對酒還歌行路難

西塞山前煙浪濶
生涯何計託綸竿

偕友人遊大泉山

張栢亭雲州人

亭開懸磴白雲低
木架如巢竟可栖
兩壁青峯春霧隱
千章綠樹淡烟迷
山僧供筭情無限
林鳥穿花語不齊
醉後放歌天欲暮
馬蹄輕踏夕陽西

雨湖春漲

李生槃

盈盈春水欲沈天
村落人家鏡裏懸
青草岸平三月雨
綠楊隄鎖一湖煙
覓橋忽沒灘頭路
問渡新尋谷口船

獨怪閒情屬鷗鷺終朝游泳不知還

兩峯集

通志館作

李生槃

江漢分讐歲月深星霜幾度鬢毛侵數行墨訂千秋蹟
萬卷書成一寸心太史白堪商筆削楚材尙復憶升沉
由來觀左風流在慚附青雲意不禁

送范仲兼還維揚

黃載嶠

蘆白江空正穩流開帆送爾下揚州霜飛古渡寒生枕
夢散殘更月滿舟過眼雲山添絕調關情兒女破新愁
閒中試問隋隄柳風雨蕭條幾度秋

雙筆齋集

蘄州志

卷二十九

詩

五

九日登鳳凰山

張選桂 丹一

十里江光十里山水鷗飄泊自飛還久嘗世味知喧苦
暫涉林風許寂閒遠壑似隨人俱靜古松覺與石同頑
眼空方會登臨勝不在茱萸強解顏

雨後泛赤東湖

熊楚荆

暮靄初收掉小船溪流奔瀉更潺潺山根曲折蟠新水
雨脚朦朧障遠天白鷺妨人歸別浦金波浴日落前川
林禽也解晴光麗巧弄歌聲似管絃

雨湖吟社合集

遊紫雲山訪天隱禪師

范正

幾年夢遶紫雲顛得傍支公意洒然笑起雙峯抽玉筍
飛來疊嶂擁金蓮心空色界疑無地目極虛明別有天
此日塵襟都滌盡不須參學老僧禪

午夢堂詩草

半畝園納涼

蔣尙德 州牧

當暑偏勞長吏行羨君執麈笑相迎藕花香盡池塘碧
篔簹竹風生几簟清獨處不聞家計聒耽吟應用錦囊盛
倉皇愧我多煩熱只有冰心對月明

蘄州

喻文鏊

鴻宿洲前水瀾茫龍磯突立雲氣蒼天連吳楚孤城閉

蘄州志

卷二十九

詩

五

地坼江淮百戰荒鴛瓦堆殘埋仄徑虬枝盤屈挂斜陽
梁王兔苑滄桑劫一曲漁謳上釣航

紅蕉山館詩鈔

登大泉山

黃俊 字良州人

不到名山數十年攀來一望景依然幽泉香藹吸朝露
怪石峯巔起暮煙放眼江湖分左右凭欄鳥雀任循環
浮生久被微名誤願聽三車學羽仙

小癡存稿

題蘄州方柱廷

梁材

鶴樓吟眺集

裕

謙

魯珊

雨餘江氣走冥冥過客登臨此暫停勛業曹劉俱有憾
文章屈宋已無靈濤聲拍岸連天白山色穿雲入檻青

莫便高吟卷裏句愁他樓下老龍聽

七言絕句 四十首

白雲山訪龔百子 柏 三首

顧景星

綠烟高處白雲遮二月山僧入采茶野火樵斤都不到
層層開上杜鵑花

嘉定兵戈記不真白雲山下起黃塵叢條長養君休伐
留與他年避世人

古寺煙深大道旁午時鐘板出雲堂種松道者歸何處
已見新梢百尺長 白茅堂集

蘄州志 卷二十九

詩

五古

哀蕭霽二首

顧景星

一抔無自寄空城春草何曾面上生白骨已隨寒雨盡
遺詩猶作斷腸聲

同遭喪亂君爲鹵存歿殊途淚轉滋幾度傷心無可道
一年時有哭君詩

蘄竹二首

顧景星

蘄竹能吹綵鳳鳴簫筠織篔簹勝桃笙祇因兵火摧殘盡
尋遍空山無一莖

斬伐頻傷嶰谷春教坊擲捻一時新只今蘆荻蕭蕭地

哭殺當年採竹人

鏡湖口二首

顧景星

短蘆高柳酒旗翻
鱗舍魚莊水到門
撤却石橋漁子渡
望中煙樹即桃源

射鴨山頭打槩頻
鮮鱗出水白如銀
鑑湖一曲無多勝
只少風流賀季真

懷菊水 劉遐祚 任常德

顧景星

水迴嶂合鷓鴣啼
秀句聞君處處題
我對青山但西望
一場清夢武陵溪

蘄州志

卷二十九

詩

五十六

桃花村

蓮市湖舊有石刻
桃花村裏有人家

顧景星

桃花村裏有人家
貫酒當壚更賣茶
兵後絕無遊舫到
更誰開地種桃花

桂花亭

治東一里佳泉
奇石老桂叢陰

顧景星

六月寒泉好浸瓜
但除冰雪有芹芽
一從桂樹為薪後
泉隙芹芽浴水蛇

宏慧寺

二首 一名清溪寺
大同巡檢司署前
面山有石如人立

徐惺

茅菴結在萬山巔
只見雲遮不見山
寄語山雲遮護好
莫教雞犬識人間

呼爾爲人若未休風霜剝落不知愁不如祇作峯頭石
萬古青蒼在上頭

子星集

浮玉亭

劉養微 梅川人

孤亭穩着石如拳兩岸波光秋可憐回首庾公樓上月

茫茫占斷玉壺天

康谷子集

迎山 俗名銀山

金德嘉

牛肝馬口水潺湲稼圃人家竹樹灣最喜時晴無鑛使

大書此地是銀山

居業齋詩鈔

過顧赤方徵君草亭

李永昇

蕪州志

卷二十九

詩

五七

主人不見亭猶在亭上依稀似舊時杜宇數聲聽不得

落花滿地草離離

若鳧村集

自大泉寺看桂花歸憩匡願方丈

李永昇

醉裏逃禪客又來看花帶得暗香回須知香在無花處

傳語山僧着意猜

渴口觀漲

陳道兼 庶行州人

竭來野水輒平河此日綠溪失釣坡欲駕扁舟尋舊侶

重重對酒聽漁歌

浮玉亭

予外王父吳公亮嗣題時官兵科給事中

李生槃

何年鞭石過東海萬里飛來江際浮不道題亭吳給事

錯疑玉影滙中流 兩峯集

文明橋

姚紹邴 心傳州人

風靜橋平浪不驚一湖清水漾文明夕陽斜挂橋頭柳

兩岸漁竿盡入城

訪臥雲山道人不遇

張樞 州人

閒行動是水雲家水競雲遲意自賒前日共君松樹底

道書一卷把秋霞 矩軒集

麟山晚眺

張錫爵 賜侯州人

蕪州志 卷三十九

詩

五十六

江南水曲萬山橫一片斜陽照眼明最好尋春楊柳岸

雙柑斗酒聽流鶯

元妙觀夜坐

丹九 道人

學道年來強自持蒲團兀坐夜深時爐香欲燼問童子

月上花梢第幾枝 崑巖集

遊長流寺

王思孟 近聖州人

野雲深護法王關溪水長流雪一灣笑問老僧尋勝蹟

幾株枯樹老荒山

蓮花池弔二烈女

高鴻 賓南川人

女郎甘與水爲家野碧沈沈玉未瑕湖裏一墩今宛在
香魂只合傍蓮花

讀書鎮國寺

張學塏莫高州人

光分佛火手殘篇戶白驚看達曉天茶竈未炊僧起早
一聲清磬破林煙

示嗣媳董氏

范倩仙貞女

蘭閨獨坐轉淒涼一縷紅絲恨未忘今日冰心仍是昔
到頭終入女兒行耐寒詩草

遊雨湖四首

程大中

蕪州志

卷三九

詩

五九

短橈輕漾七箱船楓葉寒江遠接連九十九盤山盡好

幽棲枉自付王宣

王宣湖間村名

次第漁船不肯歸輕橈故傍水禽飛可憐一派煙光落

曾照將軍醉打圍

相傳明韓將軍習水圍於此

十月寒林尙着花塵飛不到野人家停舟借問南溪水

劇好分烹五祖茶

寒煙被水日初低尊酒相將過別溪怪底山僧知客姓

故人家在壽林西

甲乙存稿壽林寺名

蕪州曉起

程大中

曉起江城獨酌時
麒麟山下雨絲絲
春風一夜苔初綠
已有遊人折柳枝

三十六水弔林徵君

程大中

松坡居士老還山
大隱終年不出關
三十六灣秋水碧
飄零詩句落人間

頌

旌節吳孺人

陳正英妻

鄒一桂

一爨冰心百鍊鋼
秋風夜雨鎖幽光
艱辛立就當年志
麟鳳山高江水長

題陳卦峯漁樵圖

施朝幹 鐵如

蘄州志

卷二十九

詩

卒

拔劍曾歌行路難
海天吹角望長安
從今莫話孤城事
只作漁樵一例看

題陳卦峯歸隱圖示其哲嗣弁山

胡齊崙 學山 州牧

蘄春四載憩棠陰
尙憶宣和處士林
三十六灣秋水碧
詩情好共白崖深

雨湖口號

喻文鏊

蘄州城南有雨湖
欲雨未雨烟模糊
從來不與晴湖比
杭諺晴湖不如雨
湖雨湖不如月湖
半日勾留值得無
紅蕉山館詩鈔

梳粧樓

蘄陽雜咏二首

顧

澍

伴繁 州牧

左鑄忠孝右賢良白石粼粼尚有坊野鳥不知花落盡
畫眉聲裏勸梳粧

金粟影菴詩鈔

硃砂井

顧澍

鞭轡金井晚啼鴉燕麥春來尙作花帝子當年抱仙骨
臙脂不採採丹砂

登鳳凰山

陳詩

鳳凰山半一茅亭對面鷓鴣作畫屏左有南湖右江水
不須更覓舊圖經

大梓山人存稿

登石牛山

陳璣

蘄州志

卷二十九

詩

三

我遊茲山山已秋秋風吹上遊人頭手把芙蓉一長嘯
驚起松際猿啾啾

念念山房詩草

新增

放歌答蘄州顧黃公

施閏章

愚山

大風發地猛獸恐巴陵欲裂衡山動洞庭七澤橫天來
魚龍百怪相喧豕黃公黃公太奇肆使我目眩失位置
繁絃雜調相錯鳴語笑無端還滄泗一代風流澹蕩人
廿年烽火悲酸事君雖郢客生在吳顧曲追歡無事無
頻過幕府爲揖客時傍傾城眠酒壚流離滯迹秦公子

詞賦傷心楚大夫，倔強甯拋三尺組。魁梧自愛千金軀，
扁舟忽繫蕭江岸。兩月新詩不可算，脫冠半醉作佯狂。
舉杯欲擲翻河漢，眼中之人紛如蟻。灑落如君復有幾，
開心剖意君不欺。吾亦分明看爾詩，兩雄相值漫相許。
浮名身後誰當知，我昔過黃州。飛騎登赤壁，題詩破苔
蘚。長嘯響霹靂，荒榛敗瓦山。鬼啼玉局仙人不可覓，早
知君臥北山阿。悔不招尋吹鐵笛，蹉跎晚相遇。歲月行
將暮，摧殘困簿書。愁疾闕章句，疊韻重篇懶。唱酬紫螯
黃菊少，歡聚顧黃公。顧黃公紛紛馬上皆英雄，金鞍玉

蘄州志

卷二十九

詩

三

勒橫珠弓，吾曹腐唇。誇繡虎諸侯，磨盾嗤雕蟲。君言老
去知音急，此語能令雙袖濕。騶虞垂首，獬豸驕枳棘。爭
榮蘭蕙泣，空手無錢送。爾歸秋燈夜，雨百憂集。及今相
見，且盡歡君過。三十我四十

臨江太守行

美高使君也
名培蘄州人

臨江江水見江底，太守酌之甘如醴。臨江野田半荆棘，
太守見之淚沾臆。露冕東郊騎瘦馬，牛背牧兒不肯下。
官齋種藥兼種蔬，厨中但有武昌魚。

蘄州元夕傷亂後無燈火

終年在家鬱不樂昨日出門客愁作觀燈擊鼓梵江頭
白骨青燐雙淚流長天漠漠山峩峩人生涕淚爲誰多
自恨有心髮易白振衣再拜江邊石

五言律

壬戌歲除前二日登石牛山

陳詩

不因人境窄誰上石牛山路覺危中穩心從急處閒浮
雲隨眼盡客氣一時刪試話無生語飄然任往還
覓盡嫌年偈登高怯體肥扶持勞眾力寂歷見禪機寺
入松林古山盤鳥道微石牛留勝蹟徙倚欲忘歸

新州志

卷三九

詩

三

遊仙人臺

田達材

縱步走仙臺仙雲拂面來泉簾隨地捲石壁向天開遠
水橫螺黛危峯隱綠苔今朝吟興濶此地有仙才

豁口道中

何明

十里垂楊道鶯聲破寂寥日中花影直泥薄馬蹄驕淺
草迷深塢殘扉續斷橋酒家春釀熟檐外一帘飄

甕門道中

何明

徑狹車聲緩潭澄人影空水環山左右雲點嶺西東堤
柳馬頭綠夕陽牆角紅行沽問村店帘影竹林中

題王蘭渚省墓圖

葉為珪 桐廬

三尺松間墓蒙茸曲徑深
野花薰夕照墳樹冷秋陰
一幅羈人淚千年孝子心
石門殊未改林外暮烟沈

七言律

登浮玉亭

楊世璐 見山

磯如浮玉小亭孤倚檻
人疑入畫圖蜀水西來歸
九派楚山東盡見三吳
綠楊城郭春將晚翠竹江村酒任沽
興至微吟成獨醉守鐘搖盪出榛蕪

遊仙人臺

何明 雪園

蕪州志

卷二十九

詩

六十四

香火三生憶舊緣
二劉踪蹟已成煙
江湖遙望聊開眼
碑碣前朝不計年
人咤峯巒如虎豹
我耽詩酒亦神仙
茲行特與山靈約
故把晴天換雨天

仙人臺

龔秉良

仙人自昔有高臺
彈指滄桑感劫灰
九曲靈泉穿澗落
一輪明月破山來
寒杉幹老經霜雪
怪石春深蘊薜苔
千載玉華銷蝕盡
蕭蕭古殿莽塵埃

題玉山堂集

童啟倫

皎皎風華迴不羣
論交先識鮑參軍
新詞南浦春初草

舊夢西湖水上雲金粟影中看艷摘玉山堂裡倩香薰
更兼墨妙空前詰妬煞山陰白練裙

蕪州十景十首

錄五

鳳麓晨鐘

吳之驥 展其

鯨鐘縹緲知何處鳳麓迴環最上層萬籟喧從煙外寺
一聲驚破定中僧塔鈴無語月初落霜杵齊鳴山欲磨
借問下方高臥者幾人覺悟勵淵冰

太清夜月

吳之驥

方塘一畝水淪漣半枕青山半繞泉滄海百年塵劫換

蕪州志

卷之三九

詩

六十五

乾坤終古月輪圓句吟春草難尋夢鏡沒菱花欲化煙
何似春風池上石堅牢長伴漢樓船

龍磯夕照

吳之驥

谿訝墨石峙波心吞吐煙霞起夕陰斜照駛催飛鷁渡
大江怒激水龍吟黃昏古寺燈初上紅燒西山日未沈
最是英雄餘恨在暮潮淒咽不成音

龜鶴梅花

吳之驥

東風昨夜嶺頭還龜鶴爭春未肯閒萬樹梅花千樹雪
三分明月二分山峯前峯後香留韻枝北枝南玉破顏

策杖騎驢多少客天然圖畫憶鄉關

浮玉晴沙

吳之驥

新磯浮玉擁孤岑
小雨初晴客舫輕
淺渚沙痕洶浪白
短橋山色渡江青
平連遠水玻璃鏡
倒印遙天翡翠屏
隔岸何人彈浴雁
西風一曲憶湘靈

為少霞刺史賦馴鵲詩即以贈別

吳之驥

訟庭開遍紫桐花
飛鳥依依伴放衙
佳語曾聞烏集聚
奇徵不減鹿隨車
冲霄有日豐毛羽
賦物何人惜齒牙
惆悵桑榆春正暖
一枝流滯在天涯

蘄州志

卷之二十九

詩

六六

使君此去雪山輕
內翰當年負盛名
幾載風塵甘外吏
臨行涕淚為蒼生
隼旟再領湖山勝
鳩杖重看父老迎
他日政聲還鵲起
鴻洲烟水有餘清

午睡

王士正 阮亭

蘄州笛材好八尺
含風漪恰稱龜茲
枕閒拋玉局棋涼
蟬陰卓午花隲水
平池富貴浮雲耳
宜須熟客知錄
精華

七言絕

傷舊詞 二十三首錄二

陳 準 笏生

業師雲程叔

鵬枝詞

一室談經二十年霓裳同詠大羅天故園風雨今相憶
拱木蕭七日暮烟

菊裳弟秀才炳堊

親承詩禮在衡陽春夢空教到草塘惟憶三泉風月夜
至今落葉冷秋霜

愚谷族伯工部詩

陳準

白首歸來忽夢楹極星南隕嶽雲傾天將塚壁留蝌蚪
無復傳經老伏生

訪顧徵君白茅堂故址二首錄

吳之驥

蘄州志

卷二十

詩

六七

鴻詞諸老半沈淪惆悵當年汝社人斷瓦頽垣歸隱處
梅花一樹爲誰春

龍崖道中

何明

路轉橋橫水滿溪溪邊古樹拂雲低野藤纏到葉多處
一過山禽自在啼

